

FRIESLANDERS VERSTERK BANDE

'n Frieslandse afvaardiging het pas weer Overstrand en ander bestemmings in die Waterbestuursgebied Breede-Overberg besoek om aksieplanne vir nuwer samewerking op te stel.

Dit volg op 'n besoek in Desember verlede jaar toe 'n verklaring van voorneme oor internasionale samewerking met die Frieslandse Waterraad en die Nederlandse munisipaliteit Sneek deur die leiers van dié instansies en die Burgemeester van Overstrand, rdl Theo Beyleveldt, onderteken is.

Dié slag was dit die vakkundiges wat hier besoek afgelê het onder leiding van mnr Antoon Kuipers, strategiese beplanner van die Frieslandse Waterraad. Hy was vergesel van Ben ten Brummelaar, koördineerder van internasionale projekte by die Waterraad, Archan Zijlstra, implementerings-koördineerder van die munisipaliteit Sneek, Andrea Sullen, beplanner in die Waterraad se beleid- en beplannings-departement, en Sybren Gerbens, 'n rioleringskundige.

Tydens hul besoek hier is hulle na rioleringsaanlegte op Hermanus, Gansbaai, Stanford en Kleinmond geneem en is samesprekings met personeel oor die bedryf en instandhouding van rioolstelsels gevoer.

Die doel van die besoek was om vas te stel of en waar daar geleenthede vir samewerking ten opsigte van beplanning en opleiding is.

'n Soortgelyke besoek is aan die munisipaliteit Breedevallei en fasiliteite van die Breede-Overberg-opvangsbestuursagentskap gebring.

Al dié indrukke en ander insette sal gebruik word om die verwysingsraamwerk vir die uitvoering van die ooreenkoms op te stel. Onder meer word 'n uitruilbesoek in die Europese herfs aan Nederland in die vooruitsig gestel. Suid-Afrikaanse amptenare sal dan opleiding in beplanning, samewerkende regering en die bedryf en instandhouding van riool-suiweringsaanlegte ontvang. Die koste sal deur VNG Internasionaal gedra word.

By 'n afsluitingsgeleentheid in Hermanus het rdl Pieter Scholtz die afvaardiging bedank vir die bydrae wat hulle tot omgewingsvolhoubaarheid en ontwikkeling lewer.

'n Voetlose keltie wat baie gewild is onder boere in Friesland is as aandenking aan hom, Werner Zybrands, Munisipale Bestuurder, Stephen Muller, Direkteur: Infrastruktuur en Beplanning, en Hanré Blignaut, Adjunk-direkteur: Water en Vervoerdienste, oorhandig.



Antoon Kuipers, leier van die Frieslandse afvaardiging, rdl Pieter Scholtz, Burgemeesterskomiteelid vir Infrastruktuur en Beplanning, en Archan Zijlstra van die Nederlandse munisipaliteit Sneek bekijk hier 'n voetlose glas wat deur boere in Friesland gebruik word wanneer hulle op die lande werk.

MORELESTANDAARDEINISIATIEF: N' 4

TEKENS VAN BEWUSWORDING

Die Morele Standaard Inisiatief is nou in volle swang met die loodsing van die karaktertransformasie-program by ons sewe staatskole en ook twee privaatskole.

Daar is belowende tekens van toenemende bewuswording en ondersteuning rondom hierdie inisiatief en die ses morele waardes en standaarde waarop dit fokus. Volgehoue voortsetting van die inisiatief en die voorbeeld van ons leiers op gesins- en alle ander vlakke en sektore sal uiteindelelike sukses verseker.

As vennoot in hierdie inisiatief het ons oor die afgelope drie maande in hierdie rubriek aandag gegee aan die eerste drie van die ses waardes waarop hier inisiatief fokus. In hierdie Julie-rubriek is dit goed om stil te staan en te besin oor dit wat ons oor hierdie drie waardes geskryf het:

Betroubaarheid, die eerste waarde waarop ons die kolly laat val het, impliseer volkome eerlikheid; belofte en ondernemings wat onvoorwaardelik nagekom word; integriteit en die totale afwesigheid van leuens, bedrog, korrupsie en misleiding. Betroubaarheid is in wese 'n persoonlike saak maar vind ook gestalte in die gehalte van werk en gehalte van diens wat elkeen lewer.

Respek aan ander begin met respek teenoor jouself. Dit moet verdien word. Ons wil 'n kultuur van respek in ons gemeenskap op alle lewensterreine kweek. Dit moet gesien word in ons houding teenoor mekaar: ons hoffikheid, bedagsaamheid en blote goeie maniere teenoor mekaar op ons paaie en sypaadjies, oor die toonbanke waar diens gelewer word. En natuurlik ook teenoor ons omgewing en ons ryke flora en fauna.

Verantwoordelikheid gaan oor ons bereidheid om betrokke te raak en om die

pligte wat ons onself oplê of aan ons opgedra word, deur te voer. Eerder as om net 'n toeskouer te wees, word jy 'n speler in die span van 'n wen-gemeenskap! Dit sluit ook in om verantwoordelik op te tree met duidelike doelwitte en goeie beplanning en beheer. En uiteindelik verg verantwoordelikheid ook die bereidheid om verantwoordeling te doen en nie agter verskonings en ander mense te skuil nie.

In die uitgawes van Augustus, September en Oktober gaan ons die kolly laat val op:

Regverdigheid, wat onpartydigheid, 'n oop gemoed, billike oorweging van die feite en so meer impliseer;

Omgee, oftewel meelewendheid, simpatie en empatie, mededeelsaamheid, ensovoorts;

Goeie Burgerskap, wat al vyf voorafgaande waardes insluit en gestalte vind in gehoorsaamheid aan wette en regulasies, goeie buurmanskap en beskerming van die omgewing.

Enige kommentaar rakende die Morelestandaarde-inisiatief kan met vrymoedigheid per e-pos gerig word aan ernstes@vodamail.co.za of per SMS aan 082 412 4538 / 082 470 3975.



GESOEK: VROU VAN DIE JAAR

Oral in Overstrand is daar dames wat uitblink in hulle gemeenskappe, 'n verskil in die lewens van andere maak, op die sportgrond uitblink of hulle merk op die sake-sektor laat. Ter viering van en om aan hierdie dames die erkenning te gee wat hulle toekom, word 'n toekenning vir die Vrou van die Jaar elke jaar by die Burgemeestersvrou se feesviering ter ere van Vrouedag oorhandig.

Die Burgemeestersvrou, Marianné Beyleveldt, nou jou om nominasies vir die 2009 Vrou van die Jaar-toekenning voor te lê.

Hierdie goedgeмотiveerde skriftelike nominasies, met insluiting van die genomineerde se kontakbesonderhede, moet Elize Verrij in die Kantoor van die Burgemeester, Posbus 20, Hermanus op of voor 17 Julie bereik. Nominasies kan ook gefaks word na 028 313 8067 of per e-pos gestuur word aan everrij@overstrand.gov.za

WÊRELDOMGEWINGSKALENDER: N' 4

WÊRELDOMGEWINGSDAG

5 JUNIE 2009

*“Jou planeet het jou nodig:
Staan saam teen klimaatsverandering”*

Wêreldomgewingsdag dateer terug na 1972 toe die Verenigde Nasies se Algemene Vergadering dié dag daargestel het om die opening van die Stockholm-konferensie oor die Menslike Omgewing te herdenk. Dit was die VN se eerste groot konferensie oor internasionale omgewingskwessies en vergestalt 'n draaipunt in die verloop van internasionale omgewingspolitiek.

Dié dag word jaarliks wêreldwyd op die 5de Junie herdenk. Die dag het ten doel om wêreldwye omgewingsbewustheid en -optrede daar te stel. Dit streef daarna om omgewingskwessies meer mensgeoriënteerd te maak, mense te bemagtig om aktiewe agente vir volhoubare ontwikkeling te word en om begrip te skep vir die konsep dat gemeenskappe van kritieke belang is in die verandering van houdings jens die omgewing.

Die tema vir 2009 word hierbo uitgebeeld. Dit spoor nasies aan om nuwe

ooreenkomste, en hul gepaardgaande koppeling met die uitwissing van armoede en beter bestuur van woude, te sluit by die allerbelangrike klimaatkonvensie wat later vanjaar in Kopenhagen gehou word.

Munisipaliteit Overstrand ken sy jaarlikse Burgemeesterstroeë vir Omgewingsbewaring in Junie toe om met Wêreldomgewingsdag saam te val. Deur hierdie toekenning verleen ons erkenning aan die harde werk en insette van dinamiese, omgewingsbewuste individue wat daaraan werk om Overstrand 'n beter en veiliger omgewing te maak vir almal wat in hierdie wonderlike gebied woon. Deur saam te werk en bewus te wees van wêreldwye en plaaslike omgewingskewings te word en om begrip te skep vir die konsep dat gemeenskappe van kritieke belang is in die verandering van houdings jens die omgewing.

Die tema vir 2009 word hierbo uitgebeeld. Dit spoor nasies aan om nuwe

NASIONALE BEDROG BLITSLYN
0800 701 701

Munisipaliteit • U-Masipala • Municipality

OVERSTRAND

Julie 2009

Posbus 20
Hermanus 7200

	Telefoon	Faks
Hermanus	028 313 8000	028 313 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Uur Beheerkamer
Brandweer

028 313 8000/8111
028 312 2400

Bulletin

Amptelike nuusbrieff van Munisipaliteit Overstrand

2009/10-BEGROTING FOKUS OP DIENSLEWERING, INFRASTRUKTUUR STAAN SAAM EN VESTIG UITMUNTENDE ORGANISASIE

Uitvoerende Burgemeester Theo Beyleveldt het in sy Begrotingsrede op 27 Mei 2009 'n beroep op die gemeenskap, organisasies en sy mede-raadslede gedoen om in die volgende jare saam te trek om Overstrand te vestig as 'n uitnemende en korrupsievrye diensleweringsorganisasie waarop almal trots kan wees as 'n Sentrum van Uitnemendheid vir die Gemeenskap.

“Ons het 'n baie aktiewe gemeenskap wat met baie ondersteunende funksies in die samelewing besig is om met projekte waardevolle werk te doen. Ek dink byvoorbeeld aan opvoeding, natuurbewaring en armoedeverligting. My opregte dank ook aan daardie organisasies wat hulle dienste vrywillig aanbied en ek sal poog om op gepaste maniere erkenning en ondersteuning aan hulle te gee,” hethy gesê.

Hierdie betrokkenheid van die gemeenskap het dit vir die munisipaliteit moontlik gemaak om 'n goed-gebalanseerde begroting op te stel, wat nie net 'n beter lewe vir almal nastreef nie maar ook volhoubaarheid en bekostigbaarheid voor oë gehou het.

Die begroting is eenparig deur die raad goedgekeur.

Hoogtepunte van die 2009/10-begroting is as volg:

- Die begroting vir Bedryfsbesteding beloop R518 243 000, wat 'n 22 persent toename op die vorige begroting verteenwoordig.
- Die Kapitaalbegroting van R162 327 000 is laer as verlede jaar maar steeds op 'n hoë vlak in 'n poging om infrastruktuur te verbeter.
- Die styging in eiendomsbelasting is tot 4 persent vir residensiële eiendomme en 7 persent vir kommersiële eiendomme beperk maar, soos in die verlede, word vrystellings en kortings aangebied om die las te verlig.
- Die bloktarief vir watergebruik het 'n nuwe struktuur ten einde die bestuur van hierdie skaarskommoditeit te verbeter maar bied steeds tot 30kl drinkwater per huishouding teen 'n bekostigbare tarief.
- Met verwysing na riolering word die onderverhaling vir die dreinerings van riool- en septiese tenks met 'n nuwe tarief van R160 per dreinerings onder die

loop geneem. Verbruikers kan egter aansoek doen om 'n spesiale maandelikse tarief van R200 vir twee dreinerings van 'n tenk met 'n kapasiteit van minder as 6kl of een dreinerings per maand van 'n tenk met 'n kapasiteit groter as 6kl. Die styging in tariewe vir verbruikers wat aan die netwerk gekoppel is, sal 9,55 persent beloop.

- Vullisverwyderingstariewe is met 8,89 persent verhoog ten einde die koste van brandstof en die gelde wat deur die streekgrondopvullingsterrein gehê word, teen te werk maar is steeds laer as die inflasiesyfer.
- Voorziening is gemaak vir die verwagte styging van 34 persent in die koste van elektrisiteit, wat buite beheer van die munisipaliteit is en teen die einde van Junie deur Nasionale Elektrisiteits-reguleerder van Suid-Afrika bepaal sal word.

In die lig hiervan kan verbruikers stygings van tussen 15 en 30 persent op hul maandelikse rekening te wagte wees, afhangende van hul vlak van verbruik.

Die Burgemeester het daarop klem gelê dat die begroting vir 2009/10 met 'n sterk fokus op dienslewering en infrastruktuurinvestering saamgestel is met die oog daarop om ons strategiese doelwitte te realiseer, naamlik om:

- volhoubare munisipale dienste te lewer;
- 'n veilige en gesondheidsomgewing te skep;
- die natuurlike omgewing te bestuur en te

bewaar;

- 'n demokratiese en verantwoordbare staatsbestel daar te stel; en
- plaaslike ekonomiese ontwikkeling en toerisme te bevorder.


Voorts het hy gesê dat die 2010-wêreldbeker nie 'n geleentheid is wat geïgnoreer moet word nie. Hy het die opgradering van Hermanus se Markplein uitgelis as 'n belangrike projek in die vestiging van Overstrand as 'n wêreldklas-toerismebestemming. Die munisipaliteit oorweeg dit ook om sy vermoëns op die gebied van Wetstoepassing as 'n belangrike prioriteit te verhoog; die belangrikheid hiervan kan maar net onderstreep word deur die onlangse stortvloed moorde en rooftogte in ons gebied.

Hierdie begroting sal werkskepping en plaaslike ekonomiese ontwikkeling bevorder, het mnr Beyleveldt gesê.

Munisipaliteit Overstrand het ook ag geslaan op die drie strategiese prioriteite wat die Staat oor die volgende drie jaar vir Plaaslike Regering gestel het:

- verbeter munisipale regering se prestasie en verantwoordbaarheid;
- neem die strukture en die Staat se reëlings vir staatsbestuur in oënskou ten einde plaaslike regering beter te versterk, te ondersteun en te monitor; en
- verfyen en versterk die beleid-, regulatiese en fiskale omgewing vir plaaslike regering en skenk meer aandag aan maatreëls om nakoming te verseker.

BRONNE VAN INKOMSTE



Eiendomsbelasting	R120.8m
Elektrisiteit	R151.0m
Water	R71.3m
Riolering	R37.0m
Vullisverwydering	R34.4m
Dienstefoote - ander	R46.5m
Agentskapsdienste	R5.0m
GG-Operasioneel	R28.9m
GG-Kapitaal	R46.4m
Openbare Bydraes	R16.6m

GESAMENTLIKE WENNERS

Vanjaar deel die Dyer-eilandbewaringsvereniging die Burgemeester se Wisseltrofee vir Omgewingsbewaring. Ander finaliste was die Pearly Beach-bewarea – Herbarium, Stanford-bewaringsstrust, Plaas 215 Natuurtoevlugsoord en Fynbosreservaat, KOBIO en Vogelgat-natuurreservaat. Hier oorhandig Uitvoerende Burgemeester Theo Beyleveldt die trofee aan trotse ontvangers Peter Muller (namens Kleinmond-natuurbewaringsvereniging) en Tracy Shaw (namens Dyer-eilandbewaringsstrust) ten tye van 'n funksie wat op Donderdag, 11 Junie 2009 gehou is.



HOE DIE BEDRYFSBEGROTING WERK

Salarisse en Lone

Op die 2009/10-bedryfsbegroting het Munisipaliteit Overstrand 'n bedrag van R154 miljoen vir salarisse, lone en toelaes voorsien. Hierdie syfer sluit die vergoeding van raadslede in. Slegs R1 miljoen is vir die vergroting van die personeelkompliment in die nuwe finansiële jaar toegelaat en is gelyk aan 'n styging van slegs 0,65% in personeelgetalle. Seisoenale werkers en ander tydelike personeel sal bafonds word deur besparings wat uit vakante poste voortspruit.

Die ramings sluit salarisverhogings van 11,5% in, gegron op die gemiddelde inflasiekoers oor die afgelope 12 maande. Hierdie verhogings word egter nasionaal beding en is tot op datum nog nie gefinaliseer nie. Hierdie proses kan tot arbitrasie aanleiding gee, wat die uitkoms steeds verder kan vertraag.

Die selfde ramings is vir Raadslede se vergoeding gebruik, wat op 'n latere datum deur die Nasionale Minister van Provinsiale en Plaaslike Regering bepaal sal word.

Algemene Uitgawes asook Herstelwerk en Instandhouding

Alhoewel die beginsels van 'n nulbasisbegroting toegepas word, kan die styging in besteding onder hierdie twee opskrifte toegeskryf word aan die inflasiekoers, planne vir verhoogde dienslewering, die voorgestelde tariefaanpassings deur Eskom, steeds stygende koste van chemikalieë vir watersuiwering en die skommelings in brandstofkoste. Ingeslote in hierdie afdeling is die bydraes tot die Sentrale Verbeteringsdistrik (bekend as Hermanus Public Protection), 'n toewysing van R2 500 000 vir die gevestigde Bestemmingbemarkingsorganisasie (Cape Whale Coast) en 'n toekenning aan die Overstrand Plaaslike Ekonomiese Ontwikkelingsagentskap (OLEDA). Cape Whale Coast bevorder toerisme ooreenkomstig 'n diensleweringsooreenkoms en omvat toerismeburo's, bemaking en feeste.

OLEDA funksioneer as 'n munisipale entiteit met 'n toekenning van R900 000 van die Ontwikkelingsbank van Suid-Afrika en fasiliteer sekere sektore van ekonomiese ontwikkeling.

VRYSTELLINGS OP EIENDOMSBELASTING

Die voorgestelde eiendomsbelasting word op 4% vir residensiële eiendomme en 7% vir sake-eiendomme vasgestel.

- Vir residensiële eiendomme word die volgende vrystellings en kortings voorgestel:
- 'n vrystelling op die eerste R15 000 van die markwaarde van 'n eiendom toegewys in die waardasierol of aanvullende waardasierol;
- 'n vrystelling op die volgende R35 000 van die markwaarde van 'n eiendom toegewys in die waardasierol of aanvullende waardasierol.

Die Raad se Eiendomsbelastingbeleid maak ook voorsiening vir kortings aan inwoners en sake-ondernemings. Hierby ingesluit is pensioentrekkers, gaste-huise en bed-en-ontbyt-fasiliteite en residensiële, sake- en landbou-eiendomme buite die tradisionele stedelike gebiede, onderworpe aan sekere voorwaardes.

TABEL 1: Stygings in die 2009/10 Bedryfsbegroting

	2008/09 Lopende Begroting R'000	2009/10 Ramings R'000	% Styging/ (Daling)	% Vereleke met Totale Besteding
- Salarisse en Lone	134 687	153 993	14%	30%
- Algemene Uitgawes	271 524	326 415	20%	63%
- Herstelwerk en Instandhouding	51 242	53 117	4%	10%
- Kapitale Koste	37 216	7 595	55%	11%
- Voorsienings		7 595		1%
Min: Interdepartementale kostes	494 669 (70 002)	598 745 (80 502)	15%	
Totale Uitgawebegroting	424 667	518 243	22%	100%

Geen bedrae is spesifiek vir gebeurlikhede begroot nie. Enige besparings wat in die loop van die finansiële jaar geïdentifiseer word, sal by wyse van 'n topbestuursbesluit aan geëurlikhede toegewys word.

Billike Deel: Lae-inkomstesubsidie

Overstrand se Deernisbeleid word ten volle in die nuwe begroting met 'n toekenning van R14 miljoen vir 2009/10 befonds. Die inkomsteplapon vir aansoekers is vanaf twee keer 'n maatskaplike staatspensioen na drie keer verhoog. Huishoudings met 'n groter inkomste kan egter steeds vir sekere verlaagde tariewe kwalifiseer indien die gesamentlike inkomste minder as ses keer 'n maatskaplike pensioen is.

Basiese Diensteprojekte: Plaaslike Arbeidsbevorderingsprojek (LLPP)

Projekte word op die kapitaal- en bedryfsbegroting geïdentifiseer ter voortsetting van die LLPP-konsep. Projekte verwant aan stormwater, paaië, reiniging, ensovoorts sal oral in die Overstrandgebied onderneem word. As hul bydrae tot Plaaslike Ekonomiese Ontwikkeling word Projekbestuurders ook aangemoedig om op die uitkyk te wees vir meer geleenthede om die LLPP-konsep te bevorder. By wyse van hierdie konsep word inwoners die geleentheid gebied om 'n loon te verdien en vaardighede te ontwikkel onderwyl 'n gedeelte van die inkomste gebruik word om skuld op hul munisipale rekenings te verlaag.

Bydrae tot Bedryfskapitaal

Hierdie bydrae maak voorsiening vir afskrywing van oninbare skulde, maar is laer as die vorige begrotingsvlakke aangesien die volle implementering van die Raad se Deernisbeleid en die verhoging van die plafon om vir deernishulp te kwalifiseer die vlak van oninbare skuld sal verlaag. Skuldinvorderaars is gekontrakteer en behoort oninbare skulde selfs verder te verlaag.

Kapitaalkoste

Hierdie afdeling maak voorsiening vir skulddelging.

Bydraes tot Voorsienings

Munisipaliteit Overstrand het sekere wetlike verpligtinge om voorsiening te maak vir die rehabilitasie van grondopvullingsterreine en die uitroei van uitheemse indringerplante op munisipale grond asook vir na-aftredevoordele en langdienstoekennings. Die waarde van hierdie verpligting word jaarliks bereken en bydraes word ooreenkomstig toegewys en aangepas. Uitgawes verwant aan hierdie voorsienings word gestreks teen die voorsiening verhaal.

Bydraes aan/vanaf Fondse en Reserwes (Bestemmings)

Kapitaalvervangingsreserwe (KVR)

Die 2009/10-begroting maak nie voorsiening vir 'n regstreekse bydrae vanuit gegeneerde bedryfsinkomste na die KVR nie en 'n gedeelte van enige kontantgesteunde netto bedryfsurplus sal na die KVR oorgedra word. Wins wat uit die verkoop van oortollige bates of ad-hoc grondverkope voortspruit, sal na die KVR oorgedra word.

Selfversekeringsreserwe (SVR)

Gedurende die huidige finansiële jaar is 'n nuwe beleidsrigting ten opsigte van die versekering van kleiner risiko's vanuit die SVR geïmplementeer. Die eise geskiedenis dui op gunstige toestande vir hierdie implementering. Besparings op die versekeringspremies vir 2009/10 sal na hierdie reserwe gekanaliseer word.

Reserwes vir Kapitalisasie, Staatstoekennings en Openbare Bydraes verteenwoordig 'n nuwe ontwikkeling in plaaslike regering se rekeningkundige standaarde en die huidige begroting is gedurende Februarie 2009 se aanpassingsfase in ooreenstemming hiermee gebring. Die hersiene standaard is by die 2009/10-begroting geïnkorporeer. Die 2008/09-begroting sal in ooreenstemming gebring moet word. 'n Hersiening van hierdie ramings sal nie 'n regstreekse impak op kontantvloei hê nie maar kan 'n negatiewe impak op toekomstige tariewe hê wat in die ware verbruik van bates weerspieël sal word.

BELEGGING IN INFRASTRUKTUUR SAL AGTERSTAND HELP UITWIS

Oor die afgelope twee finansiële jare het Munisipaliteit Overstrand in die vernuwing en opgradering van bestaande grootmaat-infrastruktuur belê en sal hierdie tendens in die 2009/10- en toekomstige kapitaalbegrotings voortsit.

Alhoewel die konstruksiebedryf (behuising) tans 'n afswaai beleef, neem die plaaslike bevolking steeds toe (na raming 45% oor die afgelope sewe jaar). Oor die mediumtermyn beskou word bevolkingsaanwas op 5% per jaar geraam. Dit plaas beide die kapitaal- en bedryfsbegroting onder druk.

Voortvloeiend uit die dringende vraag na kapitale dienste het die Uitvoerende Burgemeester besluit om besteding aan die kapitaalbegroting vir 2009/2010 bo R120m te hou in 'n poging om die infrastruktuur verder te verbeter.

In toekomstige kapitaalbegrotings sal daar egter 'n goeie balans tussen koste en bekostigbaarheid gevind moet word want daar kan nie onbepaald op eksterne lenings peilgetrek word nie.

Die voorgestelde kapitaalbegroting vir 2009/10 is R162 327 000. Dit verteenwoordig 'n afname van 21% op die aangepaste begroting van R197 505 000 vir 2008/09. Opsommenderwys sien die begrotingsposte en finansieringsbronne vir die kapitaalbegroting as volg daaruit:

BEFONDING VAN KAPITAALBEGROTING

- Raadsbefondsing (KVR, Eksterne Lenings, Ontwikkelingsbydraes):** Die totale Raadsbefondsde Kapitaalbegroting voorgestel vir 2009/10 is R116 miljoen. Die voorneme is om die 2009/10 Raadsbefondsde kapitaalbegroting met 'n eksterne lening van R70 miljoen te befonds: R36 miljoen vanuit die Kapitaalvervangingsreserwe en R10 miljoen vanuit opgehoopte Ontwikkelingsbydraes.


Die Uitvoerende Burgemeester het weer eens 'n bedrag van R5 miljoen vir verdere Wykspesifieke projekte toegeken, wat van 'n kapitale of 'n operasionele aard kan wees, ten einde wyke in staat te stel om verdere projekte ooreenkomstig die GOP te prioriseer. Elk van die 10 wyke het dus 'n bykomende bedrag van R500,000 vir hul wykspesifieke behoeftes ontvang.

Ad-hoc Kapitaalbegroting

Die ad-hoc kapitaalbegroting verwys na daardie kapitaalprojekte wat befonds sal word uit eksterne bronne, hoofsaaklik toekennings vanuit ander regeringsfere. Daar moet kennis geneem word dat sommige gedeeltes van dié befondsing slegs van 'n operasionele aard is. 'n Voorbeeld hiervan hou verband met die Provinsiale Behuisingstoekenning. Alhoewel die totale behuisingstoekenning R26,338m beloop, word slegs R13,037m in die kapitaalbegroting weerspieël. Die oorblywende gedeelte is 'n regstreekse bedryfsuitgawe.

Andere projekte waarvoor befondsing bekom is, sluit in die toekennings van R15m vir die Woonbuurtontwikkelingsprogram en R8,2m van die R16,4m vanaf die WNNR vir behuising.

Enige verdere befondsing wat in die loop van 2009/10 vanaf regeringsfere bekom word, kan in 'n aanpassingsbegroting toegewys word.



Groot Kapitaalprojekte

R21 MILJOEN

Kleinmond-behuisingsprojek

R17 MILJOEN

Verligingspad vir Hermanus se SSB

R15 MILJOEN

Ontwikkeling van ekonomiese spilpunte oral in Overstrand

R6 MILJOEN

Opgradering van Markplein in Hermanus

R6 MILJOEN

Verskuiwing van Kleinmond se Werketerrein

R4 MILJOEN

Uitbreiding van Hermanus se Industriële substasie

R3,5 MILJOEN


Opgradering van Kleinmond se Elektrisiteitsnetwerk

R3 MILJOEN

Opgradering van Hermanus se Elektrisiteitsnetwerk en nuwe kragstasie

Finansiering van 2009/10 se Kapitaalbegroting

Kapitaalvervangingsreserwe	35 975 000
Eksterne Lening	70 000 000
Staatstoekennings (DORA ³)	23 152 000
Ander Toekennings en Openbare Bydraes	33 200 000
TOTAAL	162 327 000



HOVEEL JOU MUNISIPALE REKENING GAAN STYG

TARIEFMANDJIE - ENKEL RESIDENSIEËL 2009/10							
HOË VERBRUIK		BEDRAG	%	MEDIUM VERBRUIK		BEDRAG	%
Eiendomsbelasting	Totale mun waardasie: R2,5m	R18.25	4.00	Eiendomsbelasting	Totale mun waardasie: R1,3m	R8.95	4.00
Riolering	Aan netwerk gekoppel	R14.91	9.55	Riolering	Aan netwerk gekoppel	R14.91	9.55
Vullis	(2 keer per week)	R7.02	8.25	Vullis	(2 keer per week)	R7.02	8.95
Elektrisiteit	1500kWh	R244.16	35.08	Elektrisiteit	800kWh	R136.36	31.97
Water	50kl	R186.52	56.17	Water	25kl	R56.52	42.81
BTW		R63.37	35.66	BTW		R30.07	26.86
REKENING SAL VERHOOG WORD MET		R534.23	28.07	REKENING SAL VERHOOG WORD MET		R253.84	22.35
LAE VERBRUIK		BEDRAG	%	SUB-EKONOMIES GEBUIK		BEDRAG	%
Eiendomsbelasting	Totale mun waardasie: R400 000	R2.57	4.00	Eiendomsbelasting	Totale mun waardasie: R40 000	R0.00	0.00
Riolering	Aan netwerk gekoppel	R14.91	9.55	Riolering	Aan netwerk gekoppel	R2.63	6.38
Vullis	(1 keer per week)	R7.02	8.25	Vullis	(1 keer per week)	R7.02	8.25
Elektrisiteit	600kWh	R105.56	30.20	Elektrisiteit	350kWh	R67.06	26.48
Water	15kl	R46.52	56.70	Water	10kl	R26.52	36.81
BTW		R24.36	25.87	BTW		R14.45	22.86
REKENING SAL VERHOOG WORD MET		R200.94	24.18	REKENING SAL VERHOOG WORD MET		R117.68	22.86
Nie ingesluit nie: HPP-heffing wat in die toepaslike gebied 10% van eiendomsbelasting beloop							